

**XI RADNA SJEDNICA UPRAVNOG ODBORA
Javne ustanove Bosansko narodno pozorište Zenica**

Z A P I S N I K

MJESTO: zgrada Javne ustanove Bosansko narodno pozorište Zenica,
Trg Bosne i Hercegovine broj 3, Zenica,
II sprat, Kancelarija broj 45
DATUM: ponedjeljak, 29. 01. 2024. godine
VRIJEME: 15.30 h

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 10. radne sjednice;
2. Intervju i donošenje odluke o izboru, radi imenovanja direktora Javne ustanove Bosansko narodno pozorište Zenica po objavljenom javnom Konkursu;
3. Razno.

1. **Usvajanje Zapisnika sa 10. radne sjednice;**

ZAKLJUČAK: Upravni odbor JU BNP Zenica jednoglasno usvaja Zapisnik sa desete radne sjednice, koji je prethodno dostavljen elektronskim putem.

2. **Intervju i donošenje odluke o izboru, radi imenovanja direktora Javne ustanove Bosansko narodno pozorište Zenica po objavljenom javnom Konkursu;**

ZAKLJUČAK 1: Članovima Upravnog odbora JU BNP Zenica prethodno je putem e-maila dostavljen skenirani primjerak Zapisnika Komisije za prijem koverti na javni Konkurs za izbor i imenovanje direktora Javne ustanove Bosansko narodno pozorište Zenica (br. 105/24), u kojem je utvrđeno da je pristigla jedna (1) prijava te da je ista potpuna i blagovremena. Pristigla prijava je kandidata mr.sc. Miroljuba Mijatovića. Imenovani trenutno obavlja funkciju direktora JU BNP Zenica u mandatnom periodu 01. 03. 2020. do 29. 02. 2024. godine.

Direktor JU BNP Zenica i kandidat za izbor i imenovanje direktora u mandatnom periodu 01. 03. 2024. do 29. 02. 2028. godine, kratko izlaže dosadašnje rezultate ostvarene u radu i poslovanju, te planirani program rada i poslovanja u narednom periodu, a kako slijedi:

- U prethodnom periodu, uspješno su izmirena dugovanja prema dobavljačima, a zaključno sa 31. 12. 2023. godine na računu JU BNP Zenica su bila sredstva u iznosu od oko 470.000,00 KM.
- Jedan od najznačajnijih rezultata u prethodnoj godini jeste pozitivan ishod aplikacije na sredstva Evroske unije i potpisivanje Ugovora o grantu sa Izvršnom agencijom za obrazovne, audio-vizuelne i kulturne politike koja djeluje u ime Generalnog direktorata Evropske Komisije za komunikacijske politike, za projekat „The Sexual Theatre - A Feminist Readings of Classics“, koji JU BNP Zenica kao koordinator realizuje u saradnji sa tri ravnopravna partnera od početka 2024. godine do kraja 2025. godine.

- Što se tiče marketinških aktivnosti pri promoviranju predstava u produkciji JU BNP Zenica, naročito oglašavanja putem društvenih mreža, nastojali smo sve aktivnosti u uobličiti u jednu sliku-cjelinu.
- Prostorni kapaciteti su iznajmljivani u većem obimu i u tom smislu ostvaren je značajan prihod, a ujedno su realizirana i brojna gostovanja predstava. Dodatni prihodi su omogućili i isplatu dijela jednokratne pomoći radnicima od vlastitih sredstava, u iznosu od =350,00 KM.
- Iako je u prethodnom periodu uslijedilo poskupljenje troškova električne energije dva puta, zahvaljujući određenim popravkama, radovima i ugradnjom štedljivih rasvjetnih tijela, troškovi potrošnje su ostali na nivou prije poskupljenja.
- U narednim pozorišnim sezonama, pri obavljanju osnovne djelatnosti, planirana je priprema 4 predstave za odrasle (2 domaća te klasični dramski tekstovi, tragedije od Čehova, Ibzena, Brehta i slično) kao i dvije predstave za djecu i omladinu,
- Koncertna sezona JU BNP Zenica kao i do sada obuhvatit će koncerte klasične muzike i revijalne muzičke sadržaje.

ZAKLJUČAK 2: Upravni odbor JU BNP Zenica, uzimajući u obzir ispunjene opće i posebne uslove, utvrđene zakonom i javnim Konkursom, a posebno iz razloga dosadašnjih uspješnih profesionalnih rezultata kandidata, donosi odluku o izboru kandidata mr.sc. Miroljuba Mijatovića, diplomiranog glumca, magistra teatrologije i specijaliste dramske pedagogije i predlaže za imenovanje direktora JU Bosansko narodno pozorište Zenica.

ZAKLJUČAK 3: U okviru ove tačke dnevnog reda član Adis M., postavlja pitanje u vezi sa strategijom repertoara u narednom periodu, za koji je zadužen Umjetnički savjet, te predlaže određene izmjene u radu i inicijative. Predlaže angažman reditelja Olivera Frlića, te ističe da bi mogao ostvariti kontakt radi utvrđivanja mogućeg termina rada.

Direktor JU BNP Zenica izražava spremnost da se ostvari kontakt sa rediteljem te obavještava da je Umjetnički savjet u sazivu do aprila 2024. godine, te da u narednom periodu svakako treba inicirati da se više predlažu i čitaju strani tekstovi.

Takođe, ističe da Umjetnički savjet daje savjetnodavno mišljenje o repertoaru, i predlaže dramske tekstove, kojih bi trebalo biti najmanje 10, kako bi se na taj način izvršila odgovarajuća selekcija i odabrali reditelji/rediteljice.

U godišnji repertoar nužno je uvrstiti jednu ili dvije komedije.

4. Razno

Prijedlog 1: Direktor JU BNP Zenica predlaže usvajanje privremenog plana javnih nabavki za period od 01. januara do 29. februara 2024. godine, sa tri stavke: 1. nabavka elektronskih sklopova radi sanacije kvara na kružnom horizontu na Velikoj sceni JU BNP Zenica, 2. nabavka elektromotora za rad kompresora za farbanje koji se koristi u slikarnici i 3. nabavka nužnog softvera ARENA 7 sa licencom za korištenje na laptopu koji se koristi za audio i video produkciju.

ZAKLJUČAK: Upravni odbor JU BNP Zenica usvaja predloženi privremeni plan javnih nabavki za period januara i februara 2024. godine.

Informacija 1: Direktor JU BNP Zenica obavještava Upravni odbor JU BNP Zenica da je ostvaren pozitivan rezultat povodom aplikacije na poziv Fonda za zaštitu okoliša Federacije BiH u iznosu =11.500,00 KM, uz dio u iznosu od =4.000,00 KM koji bi trebala sufinansirati JU BNP Zenica, a za ista će biti aplicirano i kod osnivača. Namjena dobivenih sredstava jeste realizacija naredne faze projekta energetske efikasnosti, što uključuje zamjenu bravarije, stolarije, uključujući i prozore.

Grad Zenica je iskazala usmenu spremnost za odobravanje namjenskih sredstava u okvirnom iznosu od =400.000,00 KM, a radi nabavke materijala i radova za sanaciju poda, nabavku novog tepiha na Gornjem foajeu JU BNP Zenica, protivpožarne zavjese, 20 reflektora i dimera.

Član Adis M., ističe da svakako u ovog godini pokuša se realizirati sanacija toaleta na Donjem foajeu.

ZAKLJUČAK 1: Upravni odbor JU BNP Zenica prima na znanje prethodnu informaciju.

Informacija 2: Direktor obavještava o zahtjevu dva lica koja su zainteresirani za zakup prostora Kabare kluba te prijedlog o održavanju radnog sastanka radi upoznavanja sa idejnim projektom i mogućnostima dogovora oko realizacije istog.

ZAKLJUČAK 2: Upravni odbor JU BNP Zenica jednoglasno daje saglasnost na prisustvo imenovanih iz predmetnog zahtjeva na narednoj radnoj sjednici, koja će se održati u srijedu, 07. februara 2024. godine u 15.30 sati.

Informacija 3: Direktor JU BNP Zenica upoznaje Upravni odbor JU BNP Zenica da će poziv za učešće na ovogodišnjem Festivalu bh. drame biti objavljen 05. februara 2024. godine.

ZAKLJUČAK 3: Upravni odbor JU BNP Zenica prima na znanje prethodnu informaciju.

Sjednica je zaključena u 16.25 h.

ZAPISNIČARKA

Selma Tabaković-Jašar

**PREDSJEDNICA UPRAVNOG ODBORA
JU BNP ZENICA**

Una Kulenović

Zapisnik je sačinjen na tri (3) numerirane stranice.

Zenica, 30. 01. 2024. godine
Broj: 134/24